

大戴禮記補注

大戴禮記補注序

自禮記注官 文淵閣出 南齊書 昭明太子經房書 麓山東學政阮元撰

今學者皆舉十三經之目十三經之外宜亟治者惟大戴禮記矣夏小正爲夏時書禹貢惟言地理茲則言天象與堯典合公冠諸侯還廟釁廟朝事等篇足補儀禮十七篇之遺盛德明堂之制爲考工記所未備孔子三朝記論語之外茲爲極重曾子十篇儒言純粹在孟子之上投壺儀節較小戴爲詳哀公問字句較小戴爲確然則此經宜亟治審矣顧自漢至今惟北周盧侯射爲之注且未能精備自是以來章句

澗滑古字多舛良可慨歎近時戴東原編脩盧紹弓
學士相繼校訂蹊逕略開曲阜孔檢討翼軒乃博稽
羣書參會衆說爲注十三卷使二千餘年古經傳復
明白于世用力勤而爲功鉅矣元從檢討之嗣昭虔
得觀是書檢討之弟廣廉乃以乾隆五十九年春付
刻因爲之序元年來亦治是經有注有釋鄙陋之見
與檢討閒有異同今檢討書先行元定稿後再以質
之治經者

大戴禮記補注序錄

文林郎翰林院檢討加一級紀錄四次曲阜孔廣森撰

昔甘讒宅鼎天秩旣敘淹中發簡古經亦出后倉曲
臺文成數萬則有信都太傅戴德延君與其兄子戴
聖次君皆著錄牒親受章句二戴禮記由是興焉赤
兌之世大小並業黃序以降顯晦斯判大戴全篇八
十有五今所存見劣及四十文句譌互卷帙散亡因
未列于校官亦罔聞于傳述唯北周僕射范陽公盧
辯景宜始爲之注起漢氏之墜學紹涿郡之家緒矣
但經記綿褻詞旨簡略大義雖舉微言仍隱廣森不

摘淺聞輒爲補注更釐亥虎參證所穀敢希後鄭足
申裨于毛義庶比小劉兼規正于杜失其第一第二
第七第九第十二凡五卷舊注旣逸稍以己意備其
詁訓云爾

王言第三十九

舊本題爲主言篇中王字凡十九見皆誤作主唯
第十六字不誤今據以改正古者主之稱亞於君
故三世仕家君之再世以下主之鄭君坊記注曰
大夫有臣者稱之曰主不言君避諸侯也然左傳
云以德輔此則明主也是周末已有以主爲王侯

之通稱者但此篇至於霸王亦作霸主其誤明耳
王肅家語取此卽名王言篇

哀公問五義第四十

文同荀子哀公篇五義荀子作五儀此義字正當
讀儀鄭司農周官解詁曰古者書儀但爲義今時
所謂義爲誼

哀公問於孔子第四十一

文同小戴記哀公問

禮三本第四十二

文同荀子禮論史記禮書取此

右第一卷

禮察第四十六

言人君審察取舍之事故以禮察名篇首章文同經解自凡人之知以下取賈誼論時政疏也

夏小正第四十七

太史公曰孔子正夏時學者多稱夏小正今其遺篇止紀星文之昏旦雨澤之寒暑下陳草木稊秀之候蟲羽飛伏之時旁及冠昏祭薦耕穫蠶桑之節先王所以敬授人時與明堂月令實表裏焉漢世諸經解詁皆與本書別行故熹平石經春秋傳

不載經文小正亦別有全經此特其傳耳傳或一事分釋或兩言兼訓後人復就此篇分別經傳失其真矣記本文頗脫誤世單行夏小正非一家唯宋山陰傅崧鄉所定者尤多可取云

右第二卷

保傳第四十八

取賈子書保傳傳職容經胎教四篇其保傳一篇漢書誼傳有之

右第三卷

曾子立事第四十九

以下十篇並取曾子書漢藝文志儒家有曾子十
八篇今其八篇亡

曾子本孝第五十

曾子立孝第五十一

曾子大孝第五十二

祭義有其文

曾子事父母第五十三

右第四卷

曾子制言上第五十四

曾子制言中第五十五

曾子制言下第五十六

制言者法言也篇大故分爲三

曾子疾病第五十七

曾子天圓第五十八

右第五卷

武王踐阼第五十九

宋王應麟有注

衛將軍文子第六十

右第六卷

五帝德第六十二

太史公曰孔子所傳宰子問五帝德及帝繫姓儒者或不傳謂此篇及下帝繫篇也五帝本紀三代世表多依此爲之

帝繫第六十三

周官瞽矇世奠繫故書爲帝繫杜子春云謂帝繫諸侯卿大夫世本之屬是也小史次序先王之世昭穆之繫述其德行瞽矇主誦詩并誦世繫以戒勸人君也故國語曰教之世爲之昭明德而廢幽昏焉以休懼其動然則帝繫者先王所藏諸冊府以爲勸戒此篇猶古史之遺乎

勸學第六十四

文與荀子勸學同珠玉一章見管子侈靡篇問水
一章見荀子宥坐篇說苑亦有之

右第七卷

子張問入官第六十五

盛德第六十六

許叔重五經異義說明堂之制引禮戴說盛德記
卽此篇也未知何時析明堂別爲一篇故以後篇
第錯易乃有兩七十四今仍合之以復古本

右第八卷

千乘第六十七

劉向曰孔子三見哀公作三朝記七篇今在大戴禮蓋千乘四代虞戴德誥志小辨用兵少閒是也漢書藝文志孔子三朝七篇師古曰今大戴禮有其一篇高帝紀注臣瓚引三朝記蚩尤庶人之食者師古曰日出用兵篇非三朝記也以別錄證之小顏說誤

四代第六十八

虞戴德第六十九

誥志第七十

右第九卷

文王官人第七十一

文同逸周書官人篇舊本云官人一作觀人

諸侯遷廟第七十二

諸侯饋廟第七十三

漢藝文志曰禮古經者出於魯淹中及孔氏學七

十

當作十七

篇文相似多三十九篇及明堂陰陽王史

氏記所見多天子諸侯卿大夫之制雖不能備猶
瘡倉等推士禮而致於天子之說按戴記遷廟饋
廟公冠投壺奔喪諸篇卽其遺也鄭君禮注每引

烝嘗禮禘於太廟禮朝貢禮巡守禮中霤禮王居明堂禮皆古經之逸篇惜今不存焉

右第十卷

小辨第七十四

用兵第七十五

少閒第七十六

以上三篇當次文王官人之前使三朝記相屬

右第十一卷

朝事第七十七

此篇多錄周官典命行人司儀諸職中有覲義聘

義諸侯相朝義則儀禮之傳也其聘義與小戴記同

投壺第七十八

與小戴記投壺篇文互相備末附射事一章小戴無之舊說戴聖刪戴德之書爲今禮記故大戴缺篇並是小戴所取然哀公問大孝聘義投壺之等已見小戴者是書猶存斯言不然矣唐皮日休有補大戴禮祭法文今記無祭法篇似又後人以其重出小戴而去之者

東遷戴震曰隋志載聖刪大戴之書爲四十六篇馬融足月令明堂位樂記合爲四十九篇今考孔穎達義疏於樂記云按別錄禮記四十九篇樂記第十九

然則樂記篇第劉向列之別錄卽與今不殊後漢書橋元傳云七世祖仁著禮記章句四十九篇劉向當成帝時校理祕書橋仁親受業小戴之門亦成帝時爲大鴻臚劉橋所見篇數已爲四十有九不待融足三篇甚明作隋書者徒附會大戴闕篇以爲卽小戴所錄而尚多三篇不符遂漫歸之融耳

右第十二卷

公冠第七十九

冠義曰公侯之有冠禮夏之末造也則周公制禮時固有公冠禮矣此篇亦古經之遺也經唯言公冠與士異者餘皆大同可推而知故其儀略焉末有昭帝冠頌及郊祀祝辭則漢世述禮者所附耳

篇題舊作公符字誤

本命第八十

說苑辯物篇小戴喪服四制文有與此同者

易本命第八十一

淮南子墜形訓取此

右第十三卷

錄曰大戴禮記八十五篇第三十八以上今亡中間又缺四十三四十四四十五六十一四篇及八十二以後四篇凡存三十九篇爲十三卷如右按隋經籍志唐藝文志著錄亦十三卷然唐人正義稱大戴禮

尚有王度記辨名記禘于太廟諸篇

見曲禮及詩魏風儀禮少牢饋

疏豈今本較唐時舊本卷雖同而篇或逸與鄭君喪

服注云神不歆非族檀弓注云吉筭無首素總郊特

牲注云庭燎之差公蓋五十侯伯子男皆三十疏者

竝以爲大戴禮文又詩雲漢正義引一穀不升徹鶉

鷄二穀不升去鳧雁三穀不升去兔四穀不升去圉

獸五穀不升祭不備牲樂記正義引文王年十五而

生武王發士冠禮疏引文王十三生伯邑考喪服疏

引大功以上唯唯小功以下頌頌然士喪禮疏引大

夫於君命升聽命降拜少牢饋食疏引卿大夫之著

長五尺

白虎通義三正記曰天子舊長九尺諸侯七尺大夫五尺士三尺據此疏似三正記亦大

戴篇名也

文選景福殿賦注引禮義之不訾何恤人言舞

賦注引驪駒在門僕夫具存歸去來辭注引君道當

則萬物皆得其宜後漢書注引六十無妻曰鰥五十

無夫曰寡今記皆無其語則唐本信有增多於今者

矣今最舊唯宋刊本已多脫衍譌互顧尚未大離

乙未額川韓元吉

別有元本

元至正甲午海岱劉貞庭刻于嘉興路學宮分

上下卷

漢魏叢書本

外謬最甚注亦不完

朱本

明浙江朱養純刻

高安

本

故大學士高安朱文端公

盧本

前輩仁和盧學士文弼刻者多所是

正戴氏校本

休寧戴吉士震在四庫全書館所校

其旁見它書者儀禮

經傳通解有九篇

夏小正保傳曾子事父母踐阼遷廟費廟朝事投壺公冠

慈湖

楊氏先聖大訓有十三篇

王言五義哀公問衛將軍文子入官本命及三朝記

七臨川吳氏儀禮逸經有五篇

通廟費廟朝事投壺公冠永樂大

典有二十二篇

大典以戴記諸篇分隸韻字之下今中祕貯本已殘缺唯五義哀公問夏

小正曾子立事事父母制言上中下疾病天圓踐阼衛將軍文子官人遷廟費廟小辨少閒朝事投壺公

冠本命易本命

在所存韻中互相讎勘從其善者義有兩通則竝

著之

凡宋本字誤以別本校改者注云宋本譌某其誤之不顯者必識云从某本改有諸本俱誤以

意正者入處云今校改別之至於虛注異字但依善本不悉標識

小戴記周禮周書

管子荀子呂氏春秋淮南子賈誼新書韓詩外傳史

記漢書說苑諸籍多與是記相出入亦竝載之音義

取資博驗其一字之異同片言之多少無關意訓乃

省略焉家語者先儒馬昭之徒以爲王肅增加

漢志孔子

家語二十七篇師古曰非今所有家語

肅橫詆鄭君自爲聖證論其說

不見經據皆借證於家語大氏抄撮二記採集諸子

而古文奧解悉潤色之使易通俗讀唯問郊五帝之

等傳記所無者斯與肅說若合符券其爲依託不言

已明公冠篇述孝昭冠辭云陛下者謂昭帝也文武

者謂漢文帝武帝也而肅竊其文遂并列爲成王冠

頌是尚不能尋章摘句舉此一隅謬陋彌顯況以禮

是鄭學無取妄滋異端故於家語殊文別讀獨置而

弗論也

大戴禮記補注卷之一

王言第三十九

孔子閒居曾子侍孔子曰參今之君子惟士與大夫

之言之聞也

○聞宋本訛改其至於君子之言者甚

希矣於乎吾王言其不出而死乎哀哉

補不出而死

其人而以王言教

之○於乎音嗚呼曾子起曰敢問何謂王言孔子不

應曾子懼肅然握衣下席曰弟子知其不孫也得夫

子之閒也難是以敢問也

補閒暇也曲禮曰少閒願有復也○孫音遜閒朱本

作孔子不應曾子懼退負序而立

補序東西牆也堂上之牆曰序堂下

之牆曰壁室中之牆曰墻負序示不敢復問也文王世子曰凡侍坐于大司成者遠近閒三席可以問終

則負 孔子曰參女可語明王之道與○女音曾子曰

不敢以為足也得夫子之問也難是以敢問孔子曰

居吾語女○宋本脫居道者所以明德也德者所以

尊道也是故非德不尊非道不明雖有國馬不教不

服不可以取千里○補周禮王馬六物種馬以駕玉路

馬以駕革路皆為國馬其下有田馬○馬宋本訛焉舊本云里一作理雖有博地衆

民不以其道治之不可以霸王○道宋本訛是故昔

者明王內脩七教外行三至七教脩焉可以守三至

行焉可以征七教不脩雖守不固三至不行雖征不

服是故明王之守也必折衝乎千里之外其征也在

席之上還師

補註臥席也喻易

是故內脩七教而上不勞外

行三至而財不費此之謂明王之道也曾子曰敢問

不費不勞可以為明乎孔子愀然揚麋曰

舊本云麋一作眉

按麋古眉字士冠禮眉壽萬年古文為麋壽

參女以明王為勞乎昔者舜

左禹而右皋陶不下席而天下治

補天道左陽而右陰王者左德而右

刑禹宅百揆故言左皋陶作士故言右不下席所謂無為而治

夫政之不中君之過

也政之既中令之不行職事者之罪也明王奚為其

勞也昔者明王關譏而不征市鄽而不稅

補鄭君王制注曰譏

譏異服譏異言鄽市物邸舍稅其舍不稅其物也廣森謂周禮門閭有征凶札然後弛之左傳亦云宋公

以門賞彤班使食其征此言不征者遠法文王治岐之政猶論為邦取四代之意也稅十取一

使民之力歲不過三日

補三日中熟二日下熟一日

入山澤以時有禁而無征

補王制曰獺祭魚然後虞人入澤梁草木黃落然後

入山林禁者禁非時舊本云一作

此六者取財之

路也明王捨其四者

補關市

而節其二者

補田稅

明

王焉取其費也

補無取於費

曾子曰敢問何謂七教

孔子曰上敬老則下益孝上順齒則下益悌上樂施

則下益諒

補施予也諒誠也

上親賢則下擇友上好德

則下不隱

補不隱無蔽賢也

上惡貪則下恥

爭上強果則下廉恥民皆有別

補強果謂勇於義也

則政亦不

勞矣

補楊雄曰上脩德而下自應是不勞○則政此

謂七教七教者治民之本也教定則正矣○則宋本

木上者民之表也表正則何物不正補表建木以測影者影隨表移

民隨是故君先立於仁則大夫忠而士信民敦工璞

補玉未治曰璞喻質素也商慤女憧婦空空補憧愿也空空不識不知之貌七者

教之志也補志準也如射之有志七者布諸天下而

不究補究不實也春秋左傳曰大者不究內諸尋常之室而不塞補尺曰

尋倍之曰常是故聖人等之以禮立之以義行之以

順而民奔惡也如灌補如灌猶傳言洒濯其心曾子曰弟子則不

足道則至矣孔子曰參姑止又有焉昔者明王之治

民有法必別地以州之補管子曰羣分屬而治之考

工記曰九分其國以為九分九卿治之然後賢民無所隱暴民無所伏

使有司日省如時考之補如而也左氏春秋星隕如

之見以而為如古如而字皆通用記中甚多各望文為解歲誘賢焉則賢者親不

肖者懼補誘進也○肖下宋本脫使之哀鰥寡養孤

獨恤貧窮誘孝悌選賢舉能此七者脩則四海之內

無刑民矣補言七者者孝悌為二上之親下也如腹心則下之

親上也如保子之見慈母也上下之相親如此然後

令則從施則行補保子幼子因民既邇者說遠者來

懷○說音悅下同然後布指知寸布手知尺舒肘知尋補說文解

字曰人手卻十分動脈為寸口十寸為尺中人手長八寸謂之咫周尺也周制寸尺咫尋常仞諸度量皆

以人之體為法小爾雅曰尋舒兩肱也十尋而索補索大繩也營百步

而堵補堵則堵者五尋也此文似有誤三百步而里

千步而井補千步亦字誤韓詩外傳曰方里為一井廣三百步長三百步為一里其田九百畝

廣一步長百步為一畝三井而句烈三句烈而距補書大傳曰

鄰為朋三朋為里古者分田八家同井三井為鄰三

一朋之田也三句烈一里之田也○句音鉤五十里

而封百里而有都邑補天子近郊五十里遠郊百里封謂近郊之四疆溝封之也

里之外曰甸甸有都邑周禮以公邑之田任甸地是也春秋左傳曰凡邑有宗廟先君之主曰都○封宋

本諱乃為畜積衣裘焉使處者恤行者有與亡補言

者畜積以待行客之有無周禮凡國野之道十里有廬廬有飲食三十里有宿宿有路室路室有委五十

里○與宋本諱與从大訓改亡音無是以蠻夷諸夏

雖衣冠不同言語不合莫不來至朝覲於王故曰無

市而民不乏無刑而民不違畢弋田獵之得不以盈

宮室也徵斂於百姓非以充府庫也補畢長柄小網

曲禮注曰府謂寶藏貨賄之處庫謂車馬兵甲之處優怛以補不足禮節以損

有餘補優憂也九章曰傷余心之優優優怛故曰多

信而寡貌補少虛文也○其禮可守其信可復其跡

可履其於信也如四時補四時春夏秋冬喻有常其博有萬

民也如飢而食如渴而飲補民樂得其上如下土之

人信之若夫暑熱凍寒遠若邇非道邇也及其明德

也補楊簡曰暑則遠邇皆熱凍則遠邇皆寒明民信

之無遠邇之異遠方非道邇也而民咸信之者明

德之所及也。○夫上宋本脫若字从大訓增是以兵革不動而威用利不

施而親

補用財用也

此之謂明王之守也折衝乎千里之

外此之謂也曾子曰敢問何謂三至孔子曰至禮不讓而天下治至賞不費而天下之士說至樂無聲而天下之民和明王篤行三至故天下之君可得而知也天下之士可得而臣也天下之民可得而用也曾子曰敢問何謂也孔子曰昔者明王必盡知天下良士之名既知其名又知其數既知其數又知其所在補明王之政卿大夫以時獻賢能之書諸侯又歲貢士于天子故盡知天下之良士。○必宋本謬以从大訓明王因天下之爵以尊天下之士此之謂至禮不

讓而天下治因天下之祿以富天下之士此之謂至
賞不費而天下之士說天下之士說則天下之明譽
興此之謂至樂無聲而天下之民和補戴震曰明譽猶顯譽也故
曰所謂天下之至仁者能合天下之至親者也所謂
天下之至知者能用天下之至和者也所謂天下之
至明者能選天下之至良者也此三者咸通然後可
以征是故仁者莫大於愛人知者莫大於知賢政者
莫大於官賢有土之君脩此三者則四海之內拱而
俟然後可以証明王之所征必道之所廢者也彼廢
道而不行然後誅其君致其征

○御覽引此文作
改其政與家語同

其民而不奪其財也故曰明王之征也猶時雨也至則民說矣是故行施彌博得親彌衆此之謂衽席之上乎還師

凡一千三百六十四字

舊本篇末或記字數或否今悉補列以資校核

哀公問五義第四十

魯哀公問於孔子曰吾欲論吾國之士與之爲政何

如者取之

○爲政苟子作治國

孔子對曰生乎今之世志古之

道居今之俗服古之服舍此而爲非者不亦鮮乎

補楊

倅曰此謂古也

哀公曰然則今夫章甫句屨紳帶而搢笏者

此皆賢乎

補楊倅曰章甫殷冠紳大帶也廣森按莊子履句屨者知地形李頤注句方也○句

音鉤荀子作鉤孔子曰否不必然今夫端衣玄裳冕而乘路

者志不在於食葷補端衣正幅裁之袂尺有二寸袂二尺有二寸凡冕服冠服皆端樂

記曰端冕而聽古樂論語曰端章甫是也唯弁服有侈袂半而益一此冕謂玄冕也齋戒之服楊倞曰路

車之大者葷補葷之屬也斬衰蘭屨杖而歆粥者志不在於飲食

補蘭草名似茅而滑韌希曰粥厚日饘○荀子蘭作菅飲食作酒肉故生乎今之世志

古之道居今之俗服古之服舍此而為非者雖有不

亦鮮乎補楊倞曰言服被於外亦所以制其心也哀公曰善○戴氏校本云此下荀子

有孔子口人有五儀有庸人有士有君子有賢何如

則可謂庸人矣孔子對曰所謂庸人者口不能道善

言而志不邑邑補邑邑憂貌荀子作色色○不能選賢人善士而

託其身焉以爲己憂

補楊簡曰親近小人故致憂患

動行不知所務

止立不知所定日選於物不知所貴從物而流不知

所歸五鑿爲政心從而壞若此則可謂庸人矣

補楊倞曰

鑿寂也五鑿謂耳目鼻口及心之寂也一日五鑿五

情也莊子六鑿相攘司馬彪云六情相攘奪廣森謂

政主也春秋左傳曰今日之事我爲政荀子動作

勤立作交而作如政作正鑿曹報反韓詩外傳作藏

哀公曰善何如則可謂士矣孔子對曰所謂士者雖

不能盡道術必有所由焉雖不能盡善盡美必有所

處焉

補楊倞曰雖不能盡德必循處其一隅言有所執守也荀子由作率盡善盡美作徧美善

是故知不務多而務審其所知行不務多而務審其

所由言不務多而務審其所謂知既知之行既由之

言既順之若夫性命肌膚之不可易也富貴不足以

益貧賤不足以損若此則可謂士矣

荀子順作卑謂貧作卑

哀

公曰善何如則可謂君子矣孔子對曰所謂君子者

躬行忠信其心不愷仁義在己而不害不知聞志廣

博而色不伐思慮明達而辭不爭君子猶然如將可

及也而不可及也如此可謂君子矣

補不害不知所謂人不知而不

愷志記也伐矜也楊倞曰猶然舒遲之貌○信永樂大典作節置宋本譌買从元本改荀子云言忠信而

心不德仁義在身而色不伐思慮明通而辭不爭故猶然如將可及者君子也哀公曰善敢

問何如可謂賢人矣

宋本脫可字

孔子對曰所謂賢人者

好惡與民同情取舍與民同統

荀子無此二句

行中矩繩

而不傷於本言足法於天下而不害於其身補楊倞曰本亦

身也所謂言滿天下無口過行滿天下無怨惡荀子矩作規害亦作傷躬為匹夫而不

願富貴為諸侯而無財宋本脫不字从文選歸去來

辭注引此文增荀子作富有天下而無怨財布施天下而不病貧如此則可謂賢人

矣哀公曰善敢問何如可謂聖人矣孔子對曰所謂

聖人者知通乎大道應變而不窮能測萬物之情性

者也命注引此文字即多異大道者所以變化而

凝成萬物者也情性也者所以理然不然取舍者也

禮理謂條理分別之荀子凝作遂不下無然字故其事大配乎天地參乎

日月荀子配作辨參作明察雜於雲蜺補雜文也虹蜺曰

總要

萬物

補楊倞曰總要獨統領也。物下荀子有於風雨三字

。穆穆純純其莫之

能循若天之司莫之能職

補若廣也司事也職主也。職音志荀子作繆繆肫

肫其事不可循若天之嗣其事不可識

百姓淡然不知其善

補孟子曰遷善

而不知為之者。荀子淡作淺善作鄰不大典作莫

若此則可謂聖人矣哀公

曰善孔子出哀公送之

荀子無末七字

凡六百三十九字

今補

哀公問於孔子第四十一

哀公問於孔子曰大禮何如君子之言禮何其尊也

孔子曰丘也小人何足以知禮

補鄭君曰謙不答也何小戴記作不

君曰否吾子言之也孔子曰丘聞之也民之所由生

禮爲大非禮無以節事天地之神明也

○小戴記無明字非

禮無以辨君臣上下長幼之位也非禮無以別男女

父子兄弟之親昏姻疏數之交也君子以此之爲尊

敬

補鄭君曰言君子以此故尊禮○數音促敬下小戴記有然字宋本亦同从元本刪凡篇中字與小

戴異者後人或据彼文妄改今皆校定復其舊云

夫然後以其所能教百姓

不廢其會節

補王肅曰所能謂禮也會謂男女之會節謂親疏之節○小戴記無夫字宋本

亦脫从朱本增

有成事然後治其雕鏤文章黼黻以嗣

補成

之有成也爾雅曰玉謂之雕金謂之鏤皆禮器飾也考工記曰青與赤謂之文赤與白謂之章白與黑謂

之黼黑與青謂之黻皆禮服飾也嗣繼也夫禮爲可傳也爲可繼也其順之然後言其

喪葬備其鼎俎設其豕腊脩其宗廟歲時以敬祭祀

以序宗族

補順之民皆順從也鼎所以烹俎所以載腊乾獸也禮祭以孟月薦以仲月祭于宗

室既祭宗子燕族人于堂宗婦燕族人于房序之以昭穆○葬小戴記作算宋本亦同从大典及元本改

則安其居處醜其衣服卑其宮室車不雕幾器不刻

饔食不貳味以與民同利昔之君子之行禮者如此

補鄭君曰醜類也幾附纏之也廣森謂附纏者飾爲沂郭若五梁梁轡約軔錯衡○小戴記則作卽處作

節幾晉祈公曰今之君子胡莫之行也孔子曰今之君子

好色無厭淫德不倦荒怠敖慢固民是盡

補固猶也言窮盡民

力○色小戴記作實教音微

忤其衆以伐有道求得當欲不以其

所古之用民者由前今之用民者由後今之君子莫

爲禮也

補鄭君曰當猶稱也所猶道也由前用上所言○小戴記忤作午古作昔

孔子侍坐於哀公哀公曰敢問人道誰爲大孔子愀

然作色而對曰君及此言也百姓之德也固臣敢無

辭而對人道政爲大

補鄭君曰作猶變也德猶福也廣森謂固猶故也無辭而對言

不辭讓而徑對○君下小戴記有之字

公曰敢問何謂爲政孔子對曰

政者正也君爲正則百姓從政矣君之所爲百姓之

所從也君所不爲百姓何從公曰敢問爲政如之何

孔子對曰夫婦別父子親君臣義

○義小戴記作嚴宋本亦同从大典

改三者正則庶民從之矣

○民小戴記作物

公曰寡人雖無

似也願聞所以行三言之道可得而聞乎

補鄭君曰無似猶言

不肖○小戴記無而字

孔子對曰古之爲政愛人爲大所以治

愛人禮爲大所以治禮敬爲大敬之至也大昏爲大

補鄭君曰大昏國君娶禮也○也小戴記作矣大昏至矣大昏既至晁而親

迎親之也親之也者親之也是故君子興敬爲親舍

敬是遺親也弗愛不親弗敬不正愛與敬其政之本

與補輔廣曰晁而親迎躬親之也躬親之者所以致其親愛之意也彼以褻爲親者未要其終也唯敬

以爲親則公曰寡人願有言然晁而親迎不已重乎

愛得其正補鄭君曰已猶太也怪親迎乃服祭服廣森按春秋穀梁傳以此爲子貢問也孔子愀然作

色而對曰合二姓之好以繼先聖之後以爲天地社

稷宗廟之主君何謂已重乎補云天地者通天子之禮也按五經異義春秋

公羊說自天子至庶人皆親迎左氏說天子至尊無敵故無親迎之禮鄭据此篇駁言親迎繼先聖之後

以為天地宗廟社稷之主非天子則誰乎從公羊義○小戴記宗廟在社稷上公曰寡人固

不固焉得聞此言也○補王肅曰固鄙陋也寡人欲問

不得其辭請少進○補鄭君曰欲其為言以曉己孔子曰天地不合

萬物不生大昏萬世之嗣也君何以謂己重焉○小戴記

無以孔子遂有言曰○小戴記無有字內以治宗廟之禮足

以配天地之神明出以治直言之禮足以立上下之

敬物恥足以振之國恥足以興之為政先禮禮者政

之本與○補鄭君曰宗廟之禮祭宗廟也夫婦配天地有日月之象焉禮器曰君在阼夫人在房大

明生於東月生於西此陰陽之分夫婦之位也直猶

正也正言謂出政教也昏義曰天子聽外治后聽內職物猶事也事恥臣恥也振猶救也國恥君恥也君

臣之行有可恥者禮足以救之足以興復之○者小

戴記孔子遂言曰昔三代明王之政必敬其妻子也

有道妻也者親之主也敢不敬與子也者親之後也

敢不敬與補子長子也喪服傳曰正體於上又乃將所傳重也君子無不敬也

敬身為大身也者親之枝也敢不敬與不能敬其身

是傷其親傷其親是傷其本傷其本枝從而亡三者

百姓之象也身以及身子以及子配以及配補猶孟子言老

吾老以及人之老幼吾幼以及人之幼補鄭君曰懷猶至也配小戴記作如君子行此三者則懷乎

天下矣補鄭君曰懷猶至也大王之道也補孟子曰昔者大王

好色內無怨女外無曠夫大音太大典作先如此國家順矣國上小戴記有則字

公曰敢問何謂敬身孔子對曰君子過言則民作辭

補以爲口實過動則民作則補尤而效之君子言不過辭動不

過則百姓不命而敬恭如是則能敬其身能敬其身

則能成其親矣公曰敢問何謂成親孔子對曰君子

也者人之成名也百姓歸之名謂之君子之子是使

其親爲君子也是爲成其親名也已○親下名上小戴記有之字

孔子遂言曰古人爲政愛人爲大不能愛人不有其

身補鄭君曰有猶保也○小戴記古人作古之上有能有能字不能有其身不能安

土補言將失國不能安土不能樂天補鄭君曰不知已過而怨天也不能

樂天不能成身○身上小戴記有其字公曰敢問何謂成身孔

子對曰不過乎物補物射者畫地所立處也言君止仁臣止敬父止慈子止孝各有定

則如射之有物不可以過故大學曰致知在格物格至也至乎物則不過不通乎物則知止矣公曰

敢問君何貴乎天道也孔子對曰貴其不已補鄭君曰已猶

止也○君下小戴記有子字如日月西東相從而不已也是天道

也不閉其久也是天道也無爲物成是天道也已成

而明是天道也補不閉不窮也易曰窮則變變則通

東作東西久下無也字爲下有而字公曰寡人蠢愚冥煩子識之心也

補鄭君曰識知也冥煩者言不能明理此事子之心

所知也欲其要言使易行○識小戴記作志注讀爲識孔子蹴然避席而對曰仁人不過乎物孝子不過

乎物是仁人之事親也如事天事天如事親是故孝

子成身補鄭君曰事親事天孝敬同也孝經曰事父

故事天明○是下仁上小戴記有故字

公曰寡人既聞是言也無如後罪何補恐後日不能行○是小戴記

作此孔子對曰君之及此言也是臣之福也補勉公勤行之

凡一千一百十一字

今補

禮三本第四十二

禮有三本天地者性之本也先祖者類之本也君師

者治之本也無天地焉生無先祖焉出無君師焉治

補性生也類族也○荀

子史記性作生焉作惡

三者偏亡無安之人

補楊倞曰偏亡

補闕一也○偏故禮上事天下事地宗事先祖而寵

君師是禮之三本也

○荀子史記宗作尊下無事字寵作隆

王者天太

祖

補楊倞曰謂以配天也太祖若周之

諸侯不敢壞

祖后稷○句首荀子史記並有故字

補楊倞曰謂不祧其廟若魯周公。大夫士有常宗

補史記作懷宋本亦同。從元本改。大夫士有常宗

補常宗大宗也。禮大夫不敢祖諸侯。諸侯之支子祀

於家為始祖。其適子孫世世收族。大傳曰宗其繼別

子之所自出者。所以別貴始德之本也。補德之本在

百世不遷者也。所以別貴始德之本也。敬其始祖。○

荀子疊出貴始字。德作得。史記作。郊止天子。○止史

所以辨貴賤貴賤治得之本也。補祭法曰王

社止諸侯。○止字誤。當依。道及士大夫。補祭法曰王

曰太社。王自為立社。曰王社。諸侯為百姓立社。曰國

社。諸侯自為立社。曰侯社。大夫以下成羣立社。曰置

社。天父道也。地母道也。父尊勝於親。母親勝於尊。唯

天子事天而諸侯以下皆得事土。親親之義也。楊倞

曰道通也。○道史記作函。此。所以別尊卑尊者事尊

卑者事卑。宜鉅者鉅。宜小者小也。○荀子史記並無

作辨宜鉅者鉅。荀。故有天下者事七世有國者事五

子作宜大者巨。故有天下者事七世有國者事五

世補王制曰天子七廟三昭三穆與太祖之廟而七

作有五乘之地者事三世補楊倞曰謂大夫有采地

廟一昭一穆與太祖之廟而三此繼別為宗者則然

若別子之子孫更有始爵為大夫者亦事三世有考

廟不立始祖乃所以重大宗有三乘之地者事二

世補春秋左傳曰唯卿備百邑四井為邑百邑者四

之地彼言衛侯國之法以次差之大國之卿有地五

乘次國之卿有地四乘小國之卿有地三乘得立二

廟優于士也祭法云適士二廟謂天子之元士與小

國上大夫同矣不言事一世者士雖一廟亦事二世

鄭君以為祖待年而食者不得立宗廟補待年農夫

制曰庶人祭於寢○待年荀子所以別積厚者流澤

作持手盧本同史記補積積德也○別荀子作表史

光積薄者流澤卑也記作辨荀子疊出積厚字朱本

同光荀子史記並作廣卑並作狹大饗尚立尊補楊
也宋本譌亦如之三字从朱本改大饗尚立尊補楊
大饗祫祭先王也廣森謂立尊立酒之尊立酒者明
水也禮運曰玄酒在室醴醕在戶黍稷在堂澄酒在
下尚之故尊於室中俎生魚補大饗九獻王祫一后
○尚史記作上後同俎生魚補二朝踐王祫三后祫
四饋食王獻五后獻六醕尸王獻七后獻八賓獻九
朝踐之事牲俎腥肆故有生魚至饋食時乃薦熟也
○史記作先大羹補大羹肉清無鹽貴飲食之本也
俎上腥魚先大羹補梅之和○大音泰
補楊倞曰本謂造飲食之大饗尚立尊而用酒補立
始○荀子史記並作食飲大饗尚立尊而用酒補立
而不酌○荀子無大字酒下食先黍稷而飯稻梁補黍
有醴字史記酒上有薄字食先黍稷而飯稻梁補黍
稷簋實正饌也稻梁簋實加饌也飯啖之也食禮今
存者有公食大夫篇其經曰賓左擁簋梁右執桴以
降公舂賓升三飯卒食坐取梁與醬以降坐奠于階
西黍稷先設乃不親徹者蒸以賓所不飯故矣○食
音嗣荀子祭饗大羹而飽乎庶羞補祭祭食也嘑至
無此字祭饗大羹而飽乎庶羞補祭祭食也嘑至

之嘽之不盡食也庶羞醢藏肴核之屬周禮羞用百

有二十品其名物略見內則○嘽荀子作齊嘽下史

記有貴本而親用補庶羞味美故親用○用下荀子史

也字貴本之謂文親用之謂理兩者合而成文以歸

太一夫是謂大隆補楊倞曰文謂脩飾理謂合宜太

一故尊之尚立酒也俎之生魚也補○生上荀豆之先

大羹也補謂之登亦通言之○先史記作上瓦豆一也補

者皆所以反本復古○宋本脫利爵之不卒也補楊

此句戴氏校本依荀子史記增利爵之不卒奠於筵前也補

祭禮必告利成利成之時其爵不卒奠於筵前也補成

○爵宋本謬省从盧本改卒荀子作醢史記作啐

事之俎不嘗也

補從吉祭故受爵而不嘗俎也祭始三侑

之不食也

補飯告飽祝侑之如初尸又三飯告飽祝侑

之如初注云不復飯者三三者士之禮大一也補三

成也○補荀子作臭三不字史記並作弗一也補三

禮之終○大昏之未發齊也補發始也昏禮將親迎

史記無補大昏之未發齊也補發始也昏禮將親迎

齊戒鬼神陰陽也將以為社稷主為先祖後廟之未

而可以不致敬乎○發史記作廢齊音齊

納尸也補謂若饋食尸未入之前為陰厭也○廟上

始卒之未小斂一也補三者皆禮之始○卒史記作內

路車之素幘也補大路木路也周郊以玉路殷郊以

席幘覆式也字亦或為幣禮有虎幣羔幣鹿幣此素

幘蓋織素絲為之荀子所謂絲末○幘荀子作未集

史記郊之麻冕也補楊倞曰麻冕緝麻喪服之先散

帶補帶要經也喪禮小斂主人始經散垂之既成服

乃絞雜記曰大功以上散帶○帶荀子史記作麻

一也補三者三年之哭不文也補楊倞曰不文謂無

皆從質

之哭若往而不反。荀子哭上有喪。清廟之歌一倡

而三歎也。補清廟升歌頌篇也。鄭君樂記注曰：倡發歌句也。三歎，三人從歎之。縣一磬。

而尚拊搏。補春秋左傳：室如縣磬，服虔以爲磬字一。磬，堂上特縣玉磬也。笙，磬頌磬皆編縣堂。

下拊搏以韋爲之，形如小鼓，實之以糠，樂記所謂相也。周官大師大祭祀帥瞽登歌，令奏擊拊。縣音懸。

荀子作縣一鐘尚拊。朱弦而通越。補朱弦練弦也。絲之屬，史記同無之字。朱弦，而通越，熟則聲濁。書大傳

曰：古者帝王升歌清廟之樂，大琴練弦達越。大瑟，朱

弦達越。楊倞曰：越，瑟底孔，所以發越其聲，故謂之越。

疏：通之使聲遲也。荀子注云：史一也。補司馬貞曰：皆不取其聲。

也。凡禮始於脫，成於文，終於隆。補司馬貞曰：脫猶脫略也。荀子於並作

乎脫作稅，隆作悅。故至備情文俱盡。補楊倞曰：情謂

校史記作終乎稅。其次情文迭興，其下復情以歸太一。

主敬之類文謂其禮物威儀也。

補復情所謂直情而徑行者○迭典荀子天地以合

史記並作代勝宋本譌佚興从元本改

四時以洽日月以明星辰以行江河以流萬物以倡

好惡以節喜怒以當以爲下則順以爲上則明補洽和也

倡作也此復極言禮之用○荀子史記洽作序倡作昌日月以明在四時句上古韵明音盲行音杭萬

變不亂貸之則喪補貸差也○荀子變上有物字變下有而字貸作貳按月令宿離不

貸徐仙民音二蓋古貸貳

字多通用史記無此兩句

今補

凡四百五十三字

大戴禮記補注卷之二

禮察第四十六

孔子曰君子之道譬猶防與夫禮之塞亂之所從生

也猶防之塞水之所從來也

補防隄也。經解塞亂作禁亂塞水作止水。上

並無之字從生作由生故以舊防爲無用而壞之者

必有水敗以舊禮爲無所用而去之者必有亂患故

婚姻之禮廢則夫婦之道苦而淫辟之罪多矣

補鄭君曰

苦謂不至不答鄉飲酒之禮廢則長幼之序失而爭

鬪之獄繁矣聘射之禮廢則諸侯之行惡而盈溢之

敗起矣

此節經解在喪祭下射作覲諸侯上喪祭有君臣之位失五字盈溢作倍畔侵陵

之禮廢則臣子之恩薄而倍死忘生之徒衆矣補倍猶背

也檀弓曰人死斯惡之矣無能也斯倍之矣○徒凡宋本譌禮从戴氏校本改經解作倍死忘生者

人之知能見已然不能見將然禮者禁將然之前而

法者禁於已然之後是故法之用易見而禮之所爲

生難知也○漢書禁下將上有於字盧本同盛德注引此文作法施已然之後若夫慶

賞以勸善刑罰以懲惡先王執此之正堅如金石行

此之信順如四時處此之功無私如天地○漢書正作政信作

令順作信處作據功作公爾豈顧不用哉補顏籀曰顧猶反也然如曰禮云

禮云貴絕惡於未萌而起敬於微眇使民日徙善遠

罪而不自知也補重曰禮云重禮之詞猶言禮平禮也先王之治天下戶戶而賞之不能

徧也人人而刑之又不可勝誅也是故因人之情而為之節文以喪祭之禮作其孝以射鄉之禮作其讓以朝覲聘享之禮作其恭天下并然知天子之意曰禮於死者尚不忘也況生存乎禮於他人之長尚如此其敬也況君父乎是故示之以孝則不子者悔其不可化也然後從而刑之禮行於上則四海之內鮮刑民矣故曰使民日徙善遠罪而不自知也○漢書如作面云下有者字敬作教孔子曰聽訟吾猶人也必也徒作通虛本亦作起教

使無訟乎○無漢書作毋此之謂也○漢書無此句為人主計者莫

如安審取舍取舍之極定於內安危之萌應於外也

補取禮舍刑者安取刑舍禮則危○安審漢書作先審安者非一日而安也危

者非一日而危也皆以積然不可不察也○積下漢書有漸字

善不積不足以成名惡不積不足以滅身○漢書無此十六字

而人之所行各在其取舍

○漢書兩人作人主行作積無各字

以禮義

治之者積禮義以刑罰治之者積刑罰刑罰積而民

怨倍禮義積而民和親

○倍漢書作背

故世主欲民之善同

而所以使民之善者異

○異上漢書有或字

或導之以德教或

歐之以法令導之以德教者德教行而民康樂歐之

以法令者法令極而民哀戚哀樂之感禍福之應也

○歐古文驅字漢書行作治康作氣哀戚作風哀

我以為秦王之欲尊宗廟

而安子孫與湯武同

○漢書無我以爲三字

然如湯武能廣大

其德久長其後行五百歲而不失

○然下宋本衍則字从盧本刪漢書

如作而無能字及久長其後句五作六七不作弗

秦王亦欲至是而不能

○漢

書無下持天下十餘年即大敗之此無佗故也湯武

之定取舍審而秦王之定取舍不審也

○漢書持作治年作歲即

作則敗下無之字兩也並作矣

易曰君子慎始差若毫釐繆以千里

取舍之謂也然則為人主師傅者不可不日夜明此

補引易文今在易緯通卦驗新書曰十毫為髮十問髮為釐十釐為分○可不宋本謂可以從盧本改

為天下如何

○自易曰以下四十字漢書並無

曰天下器也今人之

置器置諸安處則安置諸危處則危而天下之情與

器無以異在天子所置爾

○漢書曰作夫器也上有大字所置爾作之所置之

湯武置天下於仁義禮樂而德澤洽禽獸草木廣育

被蠻貉四夷

○武宋本謂王漢書有作裕被上有德字衍也此讀當於木字絕之廣有與德

澤對文耳
絡音陌

累子孫十餘世歷年久五六百歲此天下

之所共聞也

○漢書十餘作數十
歷年以下七字無

秦王置天下於法

令刑罰德澤無一有而怨毒盈世民憎惡如仇讎既

幾及身子孫誅絕此天下之所共見也

補殷周遠故
言聞秦事近

故言見○民漢書
作下既與禍同

夫用仁義禮樂為天下者行五六

百歲猶存用法令為天下者十餘年即亡

○漢書無
此二十九

字是非明數大驗乎

○數漢
書作效

人言曰聽言之道必以

其事觀之則言者莫敢妄言今子或言禮義之不如

法令教化之不如刑罰人主胡不承殷周秦事以觀

之乎

○漢書無子字承作引
手作也周宋本譌用

凡七百八十二字 今補

夏小正第四十七

正月

補夏正建寅之月也此章經文凡二十二事啟

也農緯厥耒五也初歲祭耒六也固有見韭七也時有俊風八也寒日滌九也凍塗十也田鼠出十一也

農率均田十二也獺獸祭魚十三也鷹則為鳩十四也

也農及雪澤初服于公田十五也采芸十六也鞠則

見十七也初昏參中斗柄縣在下十八也柳稊十九也

也梅杏桃李則華二十也緹縞二十一也雞桴粥二

十二也傳有一事分釋者有二事茲釋啟螯言始發

者文既錯繇故條別之著於每月之下

螯也補始發螯言未出螯也月令孟春螯蟲始振仲

春螯蟲咸動啟戶始出鄭君曰漢始亦以驚螯

為正鴈北鄉先言鴈而後言鄉者何也見鴈而後數

月中

其鄉也鄉者何也鄉其居也鴈以北方為居何以謂

之爲居生且長焉爾九月遷鴻鴈先言遷而後言鴻鴈何也見遷而後數之則鴻鴈也何不謂南鄉也曰非其居也故不謂南鄉記鴻鴈之遷也如不記其鄉

何也曰鴻不必當小正之遷者也

補蔡德晉曰月令

鴻鴈來此合而記之廣森謂北山經有鴈門鴈所居也爾雅以爲北陵如而也鴻不必當小正之遷者鴈南鄉時不在中國小正見其遷不見其鄉鄉不必當遷之月故不記○鄉音向遷音逝山陰傳氏本之下居上無爲字兩南鄉上並有之字如雉震咷咷也者作而見遷宛平黃氏本作見其遷

鳴也震也者鼓其翼也正月必雷雷不必聞惟雉爲

必聞之何以謂之

句

雷則雉震咷相識以雷

補雉若詩雉

之朝雉說文解字曰雷始動雉鳴而句其頸从佳从句鼓動也何以謂之者傳設問何以謂正月必雷言

雷則雉必震。响人見其震响，因相知爲有雷也。何氏春秋傳解詁曰：夏之正月，雷當聞於地中是矣。月令季冬雉始鳴，視此爲蚤。○宋本作震也者，鳴也。响也者，鼓其翼也。从初學記引此文，改謂之下。黃本作震字。

魚陟負冰，陟升也。負冰，云者言解蟄也。補金履祥曰：月令魚上冰。

是也春冰薄魚農緯厥耒緯束也束其耒云爾者用既升背若負之

是見君之亦有來也

是見君之亦有耒也補束其耒者使耜與柄相堅著也言見君之亦有耒則傳意以
此農爲農官也將有事于藉田故脩君耒月
令曰天子親載耒耜之于參保介之御閒初歲祭

耒始用暢也其曰初二爾也者暢也者終歲之用祭

也言是月之始用之也初者始也或曰祭韭也補暢鬱鬱

也國語說藉田之禮人薦鬯犧人薦醴王裸鬯饗
醴乃行裸鬯者蓋以鬯灌地面祭耒與諸家並以始

用暢爲經文非也始用暢也者傳釋祭末之用暢也下文復釋初歲之義言終歲之祭皆用暢以是月爲

始爾或曰祭韭者記別家經文或作初歲祭韭。舊
本云暢一作暢按篆久暢正从田从申者俗書耳宋
本其曰譌其用爾下脫也者二字从儀禮經傳
通解增改但通解移此句於用祭也之下亦非
見韭圃也者圃之燕者也補蔡德晉曰有藩曰圃有
燕者可燕樂之處也詩曰四之日其蚤獻羔祭韭將
用之故先時而記之。宋本有下脫見字圃也下脫
者字並從傳時有倭風倭者大也大風南風也何大
本增見音現
於南風也曰合冰必於南風解冰必於南風生必於
南風收必於南風故大之也補此傳似失其義山海
經曰東方曰折來風曰
倭然則倭風者東風也月令所謂東風解凍也寒日滌凍塗滌也者變也變
而煖也凍塗者凍下而澤上多也補澤讀若其耕澤
澤之澤毛詩雨雪
載塗傳曰塗凍釋也管子曰日至六十日而陽凍釋
七十日而陰凍釋在上者陽凍也多釋矣在下者陰

凍也時猶未釋也。此田鼠出田鼠者噉鼠也記時

澤及下雪澤並音釋也。種噉鼠即爾雅噉鼠郭璞曰以頰裹藏食一云地

也。行銳鼠也八蜡之祭迎貓爲其食田鼠也田鼠害稼故謹記其出農率均田率者循也均田者始除田也言農

夫急除田也。音同。均讀爲耘故傳言除田也古書字少

令正義以農率爲獺獸祭魚其必與之獸何也曰非田峻與傳訓異

其類也祭也者得多也善其祭而後食之十月豺祭

獸謂之祭獺祭魚謂之獸祭何也豺祭其類獺祭非

其類故謂之獸大之也。補言獺則獸見必曰獺獸深

謂之之詞豺自食其類雖善其能祭然不足美大之

矣。坤雅曰獺獸似狐而小青黑色膚如伏翼水居食魚亦自祭其先取鯉於水裔四方陳之進而弗食或曰豺祭方獺祭圓。諸本經文脫獸字傳文三獸字

並講獻謂之獸祭祭字亦脫或遂疑鷹則為鳩鷹也

者其殺之時也鳩也者非其殺之時也善變而之仁

也故其言之也曰則盡其辭也鳩為鷹變而之仁

也故不盡其辭也補鳩布穀也非其殺之時言不復

化為鳩在仲春小正例凡言則者候皆較蚤喜農及

之故急記之云爾○其言傳本及通解作具言雪澤言雪澤之無高下也初服于公田古有公田焉

者古言先服公田而後服其田也補此農亦農夫也

汲也管子曰正月令農始作服于公田農耕及雪釋

耕始焉芸卒焉蓋本於此服事也夏后氏五十而貢

未為井地周之遂法十夫有溝百夫有洫其遺象也

故孟子云唯助為有公田然則小正言公田者何蓋

君田也君田者何蓋藉田也先服公田謂庶人終于

千畝○有上通解有者字者下濟陽張氏本無古字

愚疑者古言三字

采芸為廟采也

芸似邪蒿可食補蔡德晉曰芸香草

也呂氏春秋云菜之美者陽華之芸十一月芸始生至此月采之以薦寢廟○注文宋本脫从傳本及初

學記引此注增據此條知小鞠則見鞠者何也星名

也鞠則見者歲再見爾

補戴震曰鞠讀為囑字之謫也詩三五在東傳云三心五

囑四時更見箋云心在東方三月時也囑在東方正月時也廣森按囑柳星也歲再見者正月昏見七月

晨見○見初昏參中蓋記時也云

句斗柄縣在下言

斗柄者所以著參之中也

補斗柄以南為上北為下斗魁枕參首參南正則斗

杓北下矣○縣音懸柄大衍歷

柳穉穉也者發孚也

議引此文作杓諱唐嫌名也

梅杏棗桃

則華棗桃山桃也

補山桃似桃而小經意蓋棗與桃為二物也今時杏常以二月華此

與梅桃併記之曰則亦盡其辭也○地
音斯爾雅字爲機山上黃本無桃字
緹縞縞也者

莎隨也緹也者其實也先言緹而後言縞者何也緹

先見者也何以謂之句小正以著名也補爾雅蒹蒹鄭

樵注云卽香附子其根生塊似實廣雅曰莎隨地毛

也戴震曰小正以著名者謂小正立言之體以緹著

而先見故不曰縞緹而名其物侯曰緹縞○縞也者

宋本脫縞字從黃本增但黃本依金氏通鑑前編字

作蒹著上通解衍小字因以爲篇題釋雞桴粥粥也

名愚謂於此始說小正之義非其次

者相粥之時也或曰桴姬伏也粥養也補桴讀爲孚

孚卯孚也正月者雞抱卵粥子之時也月令季冬雞

乳亦視此爲蚤樂記曰羽者姬伏○粥音育黃本桴

作孚時作呼虛本

作相粥粥呼也

二月補此章經文凡十四事往綴黍稷一也初俊羔

助厥母粥二也綴多女士三也丁亥萬用入學

四也祭飴五也榮莖六也采繁由胡七也昆小蟲八也抵蜺九也來降燕乃睇十也剝鯁十一也有鳴倉

庚十二也榮芸十三也時有見稊始收十四也往耰黍禪禪單也補此早黍也二月種

五月熟或謂之蟬鳴黍管子曰日至百日黍稷之始也耰摩田畝種也農術春耕尋手耰秋耕待白背耰

是月春暖耰黍者始單衣矣衣有裏曰褶無裏曰禪玉藻曰禪爲絰初俊羔助厥母粥

俊也者大也粥也者養也言大羔能食草木而不食

其母也羊蓋非其子而後養之善養而記之也或曰

夏有煮祭祭也者用羔是時也不足喜樂喜羔之爲

生也而記之與句羔句羊腹時也補黃尚書曰他獸非其子不乳之獨

羊有乳鹿者是非其子亦乳之也畢沅曰古者養字

从羊大則能助厥母粥者其性善也廣森謂羔長大

不食於其母母乃有餘乳養非其子者若羔能助母

養然故善而記之煮祭饋熟之祭也禮牲未成羊曰

羔未成豕曰豚未成牛曰犢凡牛羊豕豚升羔豚犢
合升周禮曰祭祀飾羔蓋者與者皆傳謙不質言之
辭腹謂母於腹下乳之也言腹時名羔不腹時名羊
○粥音育與音歟蓋宋本譌羔从傅氏注引關澮本
改記通解作繼夏宋本譌憂从傅本改煮盧本作暑
喜羔傳本黃本作善羔與盧本譌謂羔羊宋本譌羊
牛通解作牛
羊从黃本改綏多女士綏安也冠子取婦之時也補金
履祥曰女有家士有室所以安之也廣森謂士者未
娶之稱荀子曰婦人莫不願得以爲夫處女莫不願
得以爲士禮霜降而婦功成嫁娶之事始焉故自十
月初昏至二月其盛也過是則晚矣周禮亦以仲春
會男女士冠禮云夏葛屨冬皮屨則周冠無常月
○冠取並去聲儀禮疏引此文作冠子取妻時也丁
亥萬用入學丁亥者吉日也萬也者千戚舞也入學
也者大學也謂今時大舍采也補月令仲春之月上
丁命樂正習舞釋菜
仲丁又命樂正入學習樂丁不必得亥亥爲天門先
王吉焉故舉以言之禘于太廟禮曰日用丁亥少牢

饋食曰來日丁亥用薦歲事于皇祖伯某于朱干戚
玉戚春秋傳曰萬者何干舞也簫者何簫舞也文王
世子曰春夏學于戈秋冬學羽籥然則釋菜亦春尚
武舞秋尚文舞矣○用月令注引此文作舞舍采音
釋菜周官大胥
字亦爲舍采 祭鮪祭不必記記鮪何也鮪之至有

時美物也鮪者魚之先至者也而其至有時謹記其

時種鮪魚無鱗口在領下似鱸而味美大者爲王鮪
時小者爲鮪鮪月令季春薦鮪于寢廟者鮪至有蚤

晚古今物候殊異也水經注曰鞏縣北有山臨河謂
之盜原邱其下有穴謂之鞏穴言潛通淮浦北達于

河直穴有清謂之鮪清成公子安大河賦曰鮪鯉王
鮪暮春來遊周禮春薦鮪然非時及他處則無○黃

本無榮堇采也
補榮華也先言榮而後言堇何也見

而字榮堇采也
榮而後知其堇也小正之記卉也皆

如是也堇堇葵也所以滑羹儀禮曰夏用堇冬用菹
○堇音謹說文本从艸堇聲隸省如此作采音菜宋

本堇音黃也譌
采繁由胡繁由胡者繁母也繁旁勃
色从傳本改

也皆豆實也故記之

補繁古通以爲蔡字黃尚書曰蔡始生一莖耳采食其上體畱

下體寸許四旁皆勃然生又采其上食之則旁生彌

衆故謂之旁勃謂其母曰由胡廣森謂皆者皆蔡與

蔡母釋經不專言采繁而必兼由胡意也毛詩采蔡

傳曰蔡幡蒿也箋曰執蔡菜者以豆薦蔡菹○宋本

采譌菜由譌田从傳本改但傳本第二繁字倒在采

繁之下而脫繁旁勃也四字通解及元本又以采繁

二字倒在莖菜也之上並誤繁通解作蔡按爾雅繁

由胡亦不著艸由左傳正義引此文作游旁宋本譌

萬通解作方葢本旁字脫去上半昆小蟲抵蝼昆者

或誤爲万因轉爲萬耳从黃本改

衆也由魂句魂也者動也小蟲動也其先言動而後

言蟲者何也萬物至是動而後著抵猶推也蝼螳卵

也爲祭醢也取之則必推之推之不必取取必推而

不言取

補由卽猶字孟子王由足用爲善亦以由爲猶傳言昆猶魂也魂之言動也孝經說曰魂

芸也芸動也昆既爲衆又爲動轉相注釋昆小蟲者
小蟲衆而動也此當月令螽蟴成動矣著見也動而
後見其爲蟲故小正先言動推以手取物之名上林
賦曰推蜚廉是也周禮饋食之豆有蜺醢○由傳本
作猶衆也下黃本蓋出由魂魂也四字以臆加耳魂
也者宋本譌螺也者从元本改宋本脫至字抵猶譌
括猶不必譌必不並从傳本增改至是下
黃本蓋出動字取必戴氏校本改故言 來降燕乃

睇燕乙也降者下也言來者何也莫能見其始出也

故曰來降言乃睇何也睇者眄也眄者視可爲室者

也百鳥皆曰巢突穴取與之室何也摻泥而就家入

人內也

補燕名乙者取其鳴自呼也詩曰天命玄鳥

有絨氏吞燕卵而生商燕者莫知其居若自上而降然昔

來降之日

祠高謀焉說文解字曰眄邪視也南楚謂

眄曰睇

突窟也鳥亦有窟穴者若鳩鵲之屬取字誤

當爲其與之謂之也與正月傳其必與之獸司義內

房室也漢書曰家有一堂二內○乙音軋與甲乙之

非一字盧本突作室取作也慘傳本作操舊說魏

晉閒避曹氏諱書操多為慘入人剝解以為鼓也補

宋本譌人人从傅氏注引關本改剝解以為鼓也補

讀如詩鼙鼓逢逢呂氏春秋曰顓頊令解禹時貢之

解乃偃浸以其尾鼓其腹是也河魃江解禹時貢之

見書大傳解皮堅厚可以冒鼓考工記凡冒鼓必以

啟蟄之日以此經驗之蓋謂蟄蟲咸動時也說文解

字曰鼓春有鳴倉庚倉庚者商庚也商庚者長股也

分之音補有者始有之也長股者黃鸝也以為榮芸補何以

蠶候古語曰黃栗留看我麥黃甚熟不補榮芸補何以

采芸者未時有見稊始收有見稊而後始收是小正

榮而采之補時有見稊始收有見稊而後始收是小正

序也小正之序時也皆若是也稊者所為豆實補張

日萌蘖之可食者如筍蒲椿楮補稊者所為豆實補張

之屬收蓄也○稊宋本譌稊補稊者所為豆實補張

三月補此章經文凡十三事參則伏一也攝桑二也

委楊三也辨羊四也穀則鳴五也頒冰六也采

識七也。妾子始蠶，執養宮事八也。祈麥實九也。越有小旱十也。田鼠化為鴽十一也。拂桐芭十二也。鳴鳩也。十三。參則伏伏者，非亡之辭也。星無時而不見，我有

不見之時，故曰伏云。

補參辰不相比，三月之昏心出於東，參沒於西矣。○亡音無，朱

本譌忘从傳本改。

攝桑桑攝而記之急桑也。委楊楊則苑而

後記之。

補攝讀如爾雅葉畫聶謂桑葉始生未舒之貌，委垂也。楊葉之垂者也。苑茂也。國語曰：人

皆集于苑，讀當如有苑者，柳之苑。桑所急也。故始生而記之。楊非所急也。故苑而後記之。用此見小正之

重民衣也。○桑字通解及傳本並不疊舊本云：委一作萎。金氏前編云：舊注萎作苑，按傳則苑諸本作則

花古文有華，無花自苑。字形誤耳。今校改。羴羊羊有相還之時，其類羴羴

然記變爾或曰羴羴也。

補還讀為環，圍聚也。羊性寒而散熱而聚物之變也。或曰

羴者羴抵也。二月初後，羴抵至是始生，角相抵觸。穀則鳴，穀天螻也。

補天螻者，螻蛄也。月

令孟夏蟪蛄鳴蔡邕章句曰蟪蛄蟪蛄蛙也然則三月蟪蛄鳴亦候之蚤者故其言之也曰則

頒冰者分冰以授大夫也補春秋左傳曰火出而畢賦自命夫命婦至於老疾

無不受冰火出於夏為三月於商為四月於周為五月故小正三月頒冰周禮夏頒冰采識識

草也補金履祥曰議當作藹藹雅藹藹黃蔭注云藹藹似酸漿花小而白中心黃江東以作菹食廣森

按顏氏家訓云藹味苦河北謂之龍葵月令孟夏苦菜秀梁世講禮者以為即此若然此采識亦候之蚤

於月令者妾子始蠶先妾而後子何也曰事有漸也言事

自卑者始執養宮事執操也養長也補子女子子也卑妾而尊子何

也重嫡也養長養蠶也宮蠶宮也祭義曰古者天子諸侯必有公桑蠶室近川而為之築宮仞有三尺婦

事莫重於蠶故昏禮戒女詞云夙夜無違宮事○妾上傳本無先字事自卑宋本倒作自卑事从黃本改

聲長上祈麥實麥實者五穀之先見者故急祈而記之

也

補蓋祈於廟。者上傳本無實字

越有小旱越于也記是時恆有

小旱

補于越皆發語辭小旱而記之勤雨也用此見小正之重民食也

田鼠化為鴽

鴽鴽也變而之善故盡其辭也鴽為鼠變而之不善

故不盡其辭也

補盡其辭則言化不盡其辭則不言化田鼠為鴽不復害稼故善之也鴽

鴽之類也無斑者為鴽有斑者為鴽鴽有後趾鴽無後趾恆以是別之公食大夫禮云雉兔鴽鴽明鴽鴽

二物也傳記或有言田鼠化為鴽者淮南子又云蝦蟆化鴽○鴽宋本謬鴽

拂桐芭拂也

者拂也桐芭之時也或曰言桐芭始生貌拂拂然也

補芭芭也芭華也月令季春桐始華蔡邕曰桐木之後華者○傳本無拂也者三字

鳴鳩言始

相命也先鳴而後鳩何也鳩者鳴而後知其鳩也

補鳩也青黑色短尾多聲○或據月令鳴鳩拂其

羽疑拂字本在鳴鳩之下而桐芭自為一事亦似

四月

補此章經文凡十事昂則見一也初昏南門正

二也鳴札三也囿有見杏四也鳴蟻五也王荇莠六也取茶七也莠幽八也越有大旱九也執陟攻駒十也昂則見傳所謂西陸

朝初昏南門正南門者星也歲再見壹正蓋大正所

取法也

補天官書曰亢為疏廟其南北兩大星曰南門月令仲夏昏乃亢中小正躔度與月令恆

差一氣大正疑亦夏記時之書此篇之事對彼為小故以小正名周語引夏令曰九月除道十月成梁其

時儼曰收而揚功饒而奢捐營室之中土功鳴札札其始火之初見期于司里豈即大正之遺與鳴札札

者寧縣也

鳴而後知之故先鳴而後札

補札小蟬鳴札札者也札

鳴而麥熟方言謂之麥蜚○囿有見杏囿者山之燕爾雅注引此文云鳴蜚虎縣

者也

補杏始實也其言山之燕者何因山為囿也鳴非菜也宜於囿者也杏木也宜於山者也

蟻蟻也者或曰屈造之屬也

補此則月令蟬鳴是也周官蠲氏先鄭讀為蟻

蛾蝦蟆也畢沅曰淮南子鼓造辟兵高誘謂造亦蝦

蟆又詩有戚施說文作龜龜與造古聲相近然則

造卽龜王荇莠補莠讀爲秀不榮而實曰秀小正皆

字矣青刺人有實鄭君箋詩疑王荇卽荇其注月令又

疑王荇卽王瓜未審焉○莠月令注引此文作秀取

茶茶也者以爲君薦蔣也補茶茅秀也周官掌茶掌

廣雅曰薦蔣席也莠幽補張爾岐曰幽風四月秀莠

蓋苗亦通稱焉得非以莠幽聲相近而誤與

廣森按莠莠蔞越有大旱記時爾補時有雩執陟攻

也今遠志草也今遠志草也越有大旱記時爾補時有雩執陟攻

駒執也者始執駒也執駒也者離之去母也執而升

之君也攻駒也者教之服車數舍之也補周禮春執

君曰執猶拘也通淫之時駒弱血氣未定爲其乘匹

傷之姜上均曰母猶牝也舍休也爲其小故也馬二

歲曰駒三歲曰騊畢沅曰陟疑當作騰牡馬也月令

執騰駒卽所謂執騰矣廣森按執而升之君者申上

執騰駒卽所謂執騰矣廣森按執而升之君者申上

執騰駒卽所謂執騰矣廣森按執而升之君者申上

執騰駒卽所謂執騰矣廣森按執而升之君者申上

執騰駒卽所謂執騰矣廣森按執而升之君者申上

言牡駒既離之去化卽令升而爲君服車但稍節其力耳尊君駕故以升言之傳意亦未必以升訓陟或因此升字遂妄加陟升也一句舊本所無不可用○數音疏數之數

五月

補此章經文凡十五事參則見一也浮游有殷

二也鳩則鳴三也時有養日四也乃瓜五也良也鳩爲鷹九也唐鳩鳴十也初昏大火中十一也煮梅十二也蓄蘭十三也菽麋十四也參則見參也者伐星

也故盡其辭也

補五月日在東井之末參距日三十度將旦先出東方也伐三星在參下

然古者或互名之毛詩小星傳曰參伐也考工記曰熊旗六旂以象伐也謂參與伐連體而六星也故曰參也者伐星也春秋傳曰伐爲大辰重之是盡其辭○伐宋本譌牧从傳本改浮游有殷殷

衆也浮游殷之時也浮游者渠略也朝生而莫死稱

有何也有見也

補浮游蟲名郭璞曰似蛭蜥身狹而長有角黃黑色叢生糞土中○浮游

朱本作蜉蝣通解無浮游
殷之時也六字莫去聲
鳩則鳴鳩者百鵲也鳴者

相命也其不辜之句時也是善之故盡其辭也補百

伯勞也伯勞者伯趙也恒以夏至來冬至去故少昊

氏以鳥名官伯趙氏司至也善之者善其知至也辜

略也古語稱大略曰辜較不云鳴鳩而云鳩則鳴是

不略之也不略之者以記夏至之時也春秋辭繁而

不殺者正也小正辭盡而不辜者善也詩曰七月鳴

鳩八月載績離騷曰恐鵲鳩之先鳴兮使夫百草為

之不芳蓋鳩鳴盛于秋五月鳴之始也始鳴而急記

之故言則也凡言則者盡其辭也○百傳本作伯

時有養日養長也一則在本一則在末故其記曰有

養日云也補黃尚書曰此即月令所謂日長至也夏

陽故舉日冬陰故舉夜廣森謂一猶或也

如春秋穀梁傳一有一無之一言夏至之氣或在月

初或在月終無定日故但以有言之鄭君月令注云

辰角見九月本也天根見九月末也可見月初為本

矣。○宋本日譌白有養日云也。譌時養日之乃瓜乃也。通解作時養日云也。从傅氏注引舊本改。

者急瓜之辭也。瓜也者始食瓜也。補爾雅七月食瓜五月其蚤熟者故

云急瓜之辭。○傅氏引別本云乃衣瓜乃衣者急衣

之辭也。衣也者始創衣也。按衣與瓜創與食並字形

相似而誤。黃本良蜩鳴良蜩也者五采具。補蔡德晉

兩句兼存失之。良蜩鳴良蜩也者五采具。補蔡德晉

夏蟬始鳴是也。○良爾雅匭之興五日翕望乃伏其

字爲蜩注引此文亦作蜩。匭之興五日翕望乃伏其

不言生而稱興何也不知其生之時故曰興以其興

也。故言之興五日翕也。望也者月之望也。而伏云者

不知其死也。故謂之伏五日也者十五日也。翕也者

合也。伏也者入而不見也。補匭蟬首上有冠綬者論

衡曰蟬蟠化爲復育復育

轉而爲蟬蟬者化而蛻也。故不知其生也。黃尚書曰

淮南子云蟬三十日而死謂既興十五日而鳴又十

五日而伏也廣森按漢書音義云漢使東郡送梟五月五日作梟羹高誘淮南子注云五月望作梟羹由此言之古云五月五日節者本謂五月望也傳以五日爲十五日或因諸此然似非經意經言乃伏傳言而伏文亦錯焉春秋啟灌藍蓼啟者別也陶而疏之之義乃難乎而也

也灌者聚生者也記時也

補熊安生曰灌謂叢生也分移使之稀散月令仲夏

令民無刈藍以染張爾岐曰種藍之法先蒔于畦生五六寸許乃分別栽之所謂蒔也廣森謂蓼香菜可食者亦於是月別之淮南子曰蓼菜成行陶荻也疏分也灌若集于灌木之灌○聚盧本作藁黃本無記時也鳩爲鷹補傳在正月王制曰鳩化爲鷹然後設三字鳩爲鷹補傳在正月王制曰鳩化爲鷹然後設異唐蝟鳴唐蝟者匱也補一則目治一則耳治○者上宋本衍鳴字从黃本刪爾雅注引此文作蟪蛄者蟪蛄初昏大火中大火者心也心中種黍菽糜時也補小正五月心中合於堯典日永星火以正仲夏此虞夏

時歷也月令六月心中合於左傳火中寒暑乃退此
周秦時歷也恆星東行故古今差焉書考靈曜曰主
春者鳥星昏中可以種稷主夏者心星昏中可以種
黍主秋者虛星昏中可以種麥主冬者昴星昏中則
入山可以斬伐具器械然此種黍乃晚黍也或增種
黍菽糜於經非是傳言經記心中者所以著種黍食
菽糜之時耳與九月傳鞠榮而樹麥其例同也於文
糜芑之糜从禾糜粥之糜从米此傳字為糜不為糜
諸家以為赤粱煮梅為豆實也補煮而暴之以為乾
栗抑失其訓煮梅為豆實也補煮而暴之以為乾
者籩謂蓄蘭為沐浴也補蓄之以待來歲上已祓除
之竹豆蓄蘭為沐浴也補蓄之以待來歲上已祓除
菽糜以在經中又言之句時何也是食矩句關而記
之補黃尚書曰令民為豆粥以辟暑氣矩法也以為
者食菽糜以心中為候經言心中則菽糜已在其中
矣時是也昔光武帝舍無羹亭馮異上豆粥是古食
法有之○糜傳本作藪中下傳本及頽馬分夫婦之
通解有矣字舊本云矩關一作矩閤

駒也將閒諸則或取離駒納之

句

則法也

補分夫婦之駒者游

牝之馬至是別之止其妊育也閒閑也詩曰比物四

驥閑之維則離駒離母之駒也馬六尺以下通稱駒故其商弱者別稱離駒亦取而納之法教之駕焉

六月

補此章經文凡三事初昏斗柄正在上一也煮桃二也鷹始擊三也初昏斗柄正

在上五月大火中六月斗柄正在上用此見斗柄之

不在當心也蓋當依依尾也

補此斗柄謂斗衡也正

昏尾中南方衡當尾故南指天官書曰衡殷南斗言當尾者尾與南斗相近在當虛本作正當

煮桃桃也者桃桃也桃桃也者山桃也煮以爲豆實也

補黃尚書曰桃實可食桃桃之實不可食也禮豆鷹實曰桃桃諸無舉桃者傳似小誤

始擊始擊而言之何也諱煞之辭也故言擊云

補黃尚書

日月令季夏鷹乃學習孟秋鷹乃祭鳥用始行戮始
擊即學習之謂也於此一言之而後祭鳥行戮皆不
言諱殺不忍盡其辭也君子於鳥之殺且不忍盡其
辭而況於人乎○始擊二字傳本不彙煞即殺字隸
變體也故下宋本
脫言字从傳本增

七月補此章經文凡十一事莠藿葦一也狸子肇肆
戸六也寒蟬鳴七也初昏織女正東鄉八也時有
霖雨九也灌荼十也斗柄縣在下則旦十一也

藿葦未莠則不爲藿葦莠然後爲藿葦故先言莠補

似葦而小中實未秀則下言莠藿是也於此發傳者
對非莠後言莠○藿葦字篆作藿隸省作藿此經文
爲藿从艸藿省聲
與藿霍之藿異 狸子肇肆肇始也肆遂也言其始

遂也其或曰肆殺也補廣森以爲或曰是也肆讀如

也爾雅狸子肆衆家作肆倘亦取此義名之與○狸
宋本譌捫肆依或說音肆傳氏疑其字衍愚謂此與

穀梁傳其一
曰句法正同
湟潦生萃湟下處也有湟然後有潦有

潦而後有萃草也補萃水上浮萍也湟隍也有水曰

湟之潤者亦為潦故曰有湟然後有潦○傳本

生萃下有湟潦生萃也者六字潦而上無有字爽死

爽也者猶疏也補疏者爽之陰聲故相轉注也蔡德

旣死則可收斂矣莽莽也者馬帚也補郭璞曰莽似著可

本衍有字從傳本刪漢案戶漢天漢也案戶也者

直戶也言正南北也補古者為戶於室東南隅天漢

斗在漢右是時南正矣漢自天津之閒兩道相會上

屬大陵積水其直如繩○宋本脫漢天二字從文選

西征賦及月賦注引此文增傳本寒蟬鳴蟬也者蜺

也補蜺蜺蜺也爾雅謂之蜺蜺原謂之初昏織

女正東鄉

補織女雨距小星恆鄉陳訾之口七月初昏斗中析木加午則陳訾加卯故織女正

東鄉○時有霖雨補春秋左傳曰凡雨自三日以往鄉音霽為霖季夏大雨時行初秋猶時有

焉灌茶灌聚也茶藿葦之莠為蔣楮之也藿未莠為

莢葦未莠為蘆

補蔣茵也楮讀如上楮五十衣之楮謂以茶著茵中今時人猶用蘆花也

將以楮蔣故聚之既記其秀之候復詳人事也莢一名蘆蘆一名葦○聚蘆本作藁之莠下傳本有也字

精黃本作楮未莠宋本作未秀按斗柄縣在下則旦

小正秀字皆借用莠今從傳本斗柄縣在下則旦

補三統歷立秋旦畢八度中處暑旦井初度中參在井前夏時星候較蚤七月參已得旦中矣唐一行推

小正躔宿以八月參中則旦為失其傳蓋本七月經

文寫者失之誤綴下章之末遂於此複衍則旦二字

斗柄者所以著參之中也足以明之矣

八月補此章經文凡九事剝瓜一也玄校二也剝棗

三也栗零四也丹鳥羞白鳥五也辰則伏六也

鹿人從七也。鴛為鼠入也。參中則旦。剝瓜畜瓜之時。

九也。然此句疑本在七月。說具前章。剝瓜畜瓜之時也。

也。補剝盡取之也。五月食瓜。不言剝。此其言剝何。瓜將盡矣。故取而蓄之。曷為則必蓄之。詩曰：疆場有瓜。是剝是蒞。獻之皇祖。瓜也者。所以為豆薦也。禮天子樹瓜華。畜瓜上。傳本及通解有剝瓜也者。四字。

玄校玄也者。黑也。校也者。若綠色。然婦人未嫁者衣。

之。補周禮春暴練夏纁。玄月令季夏命婦官染采。皆視此為蚤。幽風曰：八月載績。載玄載黃。蓋徵夏時。

染采以八月焉。黑而有赤曰玄。校讀為絞。禮有絞衣。鄭君云：絞蒼黃之色也。廣森謂綠之近蒼黃者。若俗。

所稱平果綠矣。未嫁者未成人。可以服。剝棗剝也者。閒色。校音肴。綠傳本作綠衣去聲。

取也。栗零零也者。降也。零而後取之。故不言剝也。補

棗擊棗也。亦有盡義。禮籩豆之實。棗烝栗擇棗也者。早也。栗也者。慄也。早風也。慄敬也。夫風以敬。先王尚。

令名焉。故取之也。時謹記其時。○栗朱。丹鳥羞白鳥。本譌栗。傳本及通解作栗。篆文栗字。

丹鳥也者謂丹良也白鳥也者謂閭蚘也其謂之鳥者重其養者也有翼者爲鳥羞也者進也不盡食也補皇侃說丹良螢火也其食蚊蚋進而不盡食若養羞然○宋本丹鳥白鳥下兩也字並脫从月令注引此文增閩宋本作蚊从傳本改與月令注合按閩說文本作閩亦蚊字也鳥者宋本譌鳥也亦从月令注改傳本於也上增何字翼者之者及進也二字月令注無羞也者作養也者又鄭君說此經以爲九月容所見辰則伏辰也者星也伏也者入而不見也補辰本異辰則伏辰也者星也伏也者入而不見也說文解字曰農房星爲民田時者也爾雅曰大辰房心尾也小正謂房曰辰謂心曰火八月之昏房先心而沒故於此言辰則伏於九月乃言丙火○者宋本譌謂傳本於謂上增者字盧本改星爲心並非鹿人從者從羣也鹿之養也離羣而善之句離而生非所知時也故記從不記離君子之居幽也不言或曰

人從人從也者大者於外小者於內率之也補鹿人疑當作

鹿從蓋傳首呼經句也古從字作从妄者遂因下或曰人從而改耳鹿性得美食必呦呦相呼是善養其

離羣也兩鹿曰離三鹿曰羣離麗也牝牡偶也鹿偶而嫺之時非君子所知也小正言著不言幽故不記

其偶化記從羣而已或曰人從則傳謂別家經文有作鹿人從者言鹿大小相率有序若人之相從也金

氏以為鹿人官名從從禽也尤不辭○宋本善下行而字或曰人下脫從字从傳本刪增鴛為鼠

補傳在參中則旦○且大衍歷議引此

三月補此章經文凡九事內火一也遷鴻鴈二也主

九月夫出火三也陟立鳥蟄四也熊羆貉貉鑿鑿則

穴五也祭鞠六也王始裘七也辰丙火內火也者大

繫于日八也雀入于海為蛤九也內火內火也者大火大火也者心也補春秋左傳曰古之火正或食於

鶉火心為大火內入也九月遷鴻鴈遷往也補鴈以

之昏心星伏也○內音納北方為

居則北爲主夫出火主夫也者主以時縱火也補夫

圭田之夫治也火伏則令民亦納火有不以時縱火者有司主治之周禮焚萊之禁其是與陟玄

鳥蟄陟升也玄鳥者燕也先言陟而後言蟄何也陟

而後蟄也補金履祥曰古人重玄鳥當其至而祠之故其末也書降其去也書陟皆貴之也蟄

者玄鳥去則多蟄於島岸田曰仲秋玄鳥歸季秋之月始畢蟄也秦蕙熊羆貉貉

鼪鼯則穴補熊山獸似豕黑如熊黃白文貉白豹多力食鐵貉狐屬善睡鼪鼯鼠也有蟄毒鼪

類鼠赤黃而大能捕鼠郭璞曰江東呼爲鼪六物皆畏寒冬伏者○羅宋本譌罷貉傳本作豹貉宋本

作貉貉按說文貉諸貉莫白切貉下各切後人以貉爲貉又別造貉字俗體乖謬不合六書之正鼪鼯則

穴宋本譌鼪鼯則穴改若蟄而榮鞠鞠草也鞠榮而樹

麥時之急也補若蟄若上燕及蟄獸皆蟄也拘或若卽燕字形誤言燕蟄而榮鞠鞠榮而樹

麥物候之相應者也此榮鞠之傳但傳首未舉經句耳下王始嘉亦不別出經句可證矣鞠草之細也其榮不足記以為來候而記之月令仲秋乃勸種麥季秋鞠有黃華與此異○榮鞠下通解增樹麥二字非

王始裘者何也衣裘之時也補其言始何也獻裘前

是月之始衣之也禮仲秋獻良裘季秋獻功裘良裘者王之裘也功裘者王所以賜也古者九月授衣功

裘未授不服良裘臣之獻紅也必先尊而後卑君之為惠也換必均乎下於裘見之矣單子曰駒見而隕

霜隕霜而冬裘具月令孟冬天子辰繫于日補辰亦

始裘言平寒之晚者也○衣去聲辰繫于日謂房星也九月日躔大火龍尾伏

辰房在日前如繫之然雀入于海為蛤蓋有矣非

常入也補雀黃雀也通卦驗曰立冬賓雀入

十月補此章經文凡七事豺祭獸一也初昏二也南

淮為蜃六也補也豺祭獸善其祭而後食之也補月

正北鄉則旦七也補也

為九月。○黃本初昏。補昏謂昏姻也。荀子曰：霜降逆

盧本無後字。姻逮來歲春仲而止。毛詩三星在天，傳說以為十月

參星昏見，可以嫁娶，是也。此經無傳，又適與南門見

相屬，大衍歷議遂疑十月定星方中南門見南門者

星名也。及此再見矣。補此晨見也不言則見者南門

小正凡記候之黑鳥浴者何也？鳥浴也者，飛乍高乍

晚者，文無則也。下也。補小爾雅曰：純黑而反哺者謂之鳥小，而腹下

白不反哺者謂之鴉，浴者言鳥乘暄飛上下若也。若日之長也云。補黃尚書曰：此時夜之長如夏時

也。鳥也。浴也者，飛乍高乍下也。時有養夜養者，長

一月將短至而急記之君子愛日之意也。○宋本有下脫養夜二字，從黃本增云。宋本譌玄或屬下，雉為

讀非也。從傳本改小正文，何有用也？雉入于淮為蜃

云者，正月傳蓋記時也云。與此同。

振者蒲盧也

補振大蛤也國語曰移就蒲盧於東海之名故果贏亦為蒲盧

盧宋本譌蘆從傳本改

織女正北鄉則旦織女星

名也

補十月日在析木之津析木東升則陬訾正北故織女亦北鄉織女恆鄉陬訾者也○旦宋本

具

十有一月

補此章經文凡三事王狩陳筋革畜人不從一也於時月也萬物不通二也隕麋角

三王狩狩者言王之時田冬獵為狩

補四時皆田獨記狩者冬氣殺

伐武事盛也周禮曰中冬教大閱遂以狩田○狩者上傳本有王字黃本王上無言字田下有也字

筋革陳筋革者省兵甲也

補筋弓也革函也因狩之時料簡軍實

畜人

不從不從者弗行

補弗行不從王而行也畜人畜夫也夏書曰畜夫馳庶人走觀禮曰

畜夫承命告于天子蓋小臣給王使令者也於狩無事故不從於時月也萬物不通

補請家以於時月也屬上絕之失其讀也時是也猶月令更端之事每言是月也以發之萬物不通則月令所謂天氣上騰地氣下降天地不通閉塞而成冬者也隕麋角隕墜也日冬至

陽氣至始動諸向生皆蒙蒙符矣故麋角隕記時焉

爾補蔡德晉曰月令仲冬麋角解是也廣森謂蒙蒙補萌生之貌鄭君易注曰齊人謂萌為蒙蒙符驗也○

墜傳本作墮日人實反篇中日舊多作日寔日字也唐石經書日皆為日其音聿之曰缺上以別之

十有二月補此章經文凡五事鳴弋一也玄駒責二也納卵茲三也虞人入梁四也隕麋角五

也鳴弋弋也者禽也先言鳴而後言弋者何也鳴而

後知其弋也補弋未聞類篇有弋字云鳥名然不詳其狀金氏云當作鳶按篆文鳶雖非从

弋但此記已經隸寫或又玄駒責玄駒也者螳也責轉誤而脫其半亦近似

者何也走於地中也補螳大者曰駒猶云馬蚱蜢也方言曰蚱蜢西南梁益之間謂

之玄蚬古今注說河內人嘗見人馬數千萬遊動往來以火燒之人皆是蚊蚋馬皆是大螳因名蚊曰黍民螳曰玄蚬誼哉言矣責讀若三家詩納卵蒜卵蒜

也者本如卵者也納者何也納之君也

補蔡德晉曰卵蒜小蒜也

其根如卵○干祿字書云蒜俗蒜字何也二字黃本無

虞人入梁虞人官也梁

者主設罟罟者也

補蔡德晉曰虞人澤虞也入梁始漁也月令季冬命漁師始漁是也

廣森按周官獸人掌以時獻為梁鄭司農曰梁水隈

也偃水為闕空以筍承其空詩曰敝筍在梁

補姜上均曰旦睹猶言明見也向始動今

明見始終之辭○且傳本作且

凡十二章 凡二千四百七十字 今補